

儀

禮

蠡

測

儀禮蠡測卷第八

蕪湖韋協夢著

聘禮第八

此據侯伯之卿大聘而言其公及子男之卿大聘亦當與此畧同但大國之卿七介子男之卿二介微異耳

君與卿圖事

圖事當在燕朝羣臣朝畢使小臣留與之圖事也
既圖事戒上介亦如之

戒猶告也命也鄉飲鄉射皆云戒賓則言戒乃尊于言命也此經于使者言命上介言戒特互文見義耳敖氏謂異尊卑非是

使者北面衆介立于其左東上

註云位在幕南南北節也敖氏云在雉門之右東西節也雉門右蓋在雉門東

上介覲載者所受書以行

所受書謂載者所受于使者也使者也使者既受宰書卽以授載者上介又視之以校所載幣之全否

使者入及衆介隨入北面東上君揖使者進之上介
立于其左接閤命

入入庫門而右也

遂行舍于郊

舍息也謂暫息于郊以受問大夫之幣也註以舍
爲脫舍衣服使者之朝服旣受命即可脫舍不必
俟至郊也

下大夫取以入告出許遂受幣

上云使次介假道束帛將命于朝則束帛特因假

道致其敬耳許正謂許其假道也許假道而後受幣見受幣爲許故也云遂者嫌未出許卽受幣也註謂明受其幣非爲許故非

餼之以其禮上賓大牢積唯芻豢介皆有餼

經祇言上賓大牢而註謂上介亦大牢經祇言積唯芻豢而註謂米皆百簋註蓋據主國禮賓之禮而言也禮過客宜降于主國

朝服無主無執也

於此特言朝服則卿大夫道路之服未必服朝服

矣敖氏謂道路常服卿大夫朝服士以下元端非是

關人問從者幾人

關人問從者之人數原爲有司當共委積之具也但以從者數百人保無姦宄之徒混其中者知其人數則非實之從者關人皆得以幾察而不敢混入矣敖氏防奸之說亦不可廢

展夫人之聘享亦如之

經明言亦如之則其儀皆與展君之聘享同矣註

謂展夫人聘享上介不視蓋誤以下節專指拭璋琮而言故有此說耳

賈人告于上介上介告于賓

賈人于退琮之後告以展聘享之玉幣已畢使上介轉告于賓也 賈人本北面轉而南面以告上介上介亦本北面左還東面以告賓欲鄉其人告之也

及館展幣于賈人之館如初

展幣不于賓館而于賈人之館玉幣皆在賈人之

館展之便也註謂爲主國之人有勞問已者考諸
侯遣臣相聘主國祇當一勞下文使卿近郊勞是
也此及郊爲遠郊不應有勞問之人註說非是
賓至于近郊張旹君使下大夫請行反君使卿朝服
用束帛勞

請行之辭蓋曰寡君使某請行上士請事特知其
爲聘事而來猶不取必行聘于本國故又使大夫
請之謙之至也 勞賓以束帛勞禮輕也勞必以
卿者尊使者亦以尊鄰國也

上介出請入告賓禮辭迎于舍門之外再拜

凡主國行禮于賓皆上介出請入告而後賓出迎也經凡不見者可以例推之

賓揖先入受于舍門內

司儀職凡侯伯子男之臣以其國之爵相爲客而相爲禮其儀亦如之則侯伯之臣亦受勞于堂上與此异者蓋記禮有先後也

勞者奉幣入東面致命

賓入門卽北面勞者必南面鄉之而東面者賓北

面敬主國之君也勞者東面致命不敢以主國之君自居也

賓北面聽命還少退再拜稽首受幣勞者出

賓本北面于此言之嫌勞者東面致命賓或西面聽命也

夫人使下大夫勞以二竹簠方元被纁裏有蓋

竹簠器名方釋其形制也註中方字疑衍

饋之如初

君使以束帛夫人使以棗栗非夫人勞賓之禮輕

也婦人之贊棗栗榛修用棗栗正所以敬賓也故
賓之儉勞者亦與君使同至君使卿夫人使大夫
則夫人不敢與君敵體亦非卑賓也

至于朝主人曰不腆先君之祧旣拚以俟矣

周官守祧職掌守先王先公之廟祧又云其廟則
有司修除之其祧則守祧黜陟之禮記祭法篇天
子七廟遠廟爲祧則廟與祧爲二鄭氏謂遷主所
在曰祧其說原不無所據蓋對文則藏遷主曰祧
其餘曰廟散文則祧亦謂之廟廟亦謂之祧祭法

天子七廟合五廟及二祧爲七是祧亦謂之廟也
左傳其敢愛豐氏之祧豐氏大夫祇二廟無遠廟
則祧卽廟是廟亦謂之祧也此經所言正遷祧所
藏之祧敖氏謂祧乃廟堂以北之稱不信註說未
安

大夫帥至于館卿致館

致館敖氏謂以君命致此館于賓得之矣註據司
儀職文謂以上卿禮致之殊不知司儀職所謂致
館如郊勞之儀天子禮諸侯之禮也此經並無如

郊勞之禮之文何以見其以上卿禮致之乎

衆介皆少牢

唯言皆少牢是并無堂上之饌矣無堂上之饌下
上介也

擯者出請事

鄭敖二說不同敖說爲長似當從之 鄭說據周
官司儀職文推之也司儀職所言乃天子待朝君
之禮諸侯待聘臣似未必同且據註所引攷工記
之門制乃天子之應門也諸侯之大門不當如此

廣大郝氏譏之未爲過非但註疏承習已久未敢遽以已意除之今姑錄鄭敖兩說以備參考

及廟門公揖入立于中庭

中庭東西節也南北蓋亦近門內塾

賓立接西塾

擯者隨公雁行介亦隨賓雁行公西面負東塾擯者與公同面則賓東面接西塾介亦當與賓同面與展幣時異敖氏謂介立于賓之西南東面北上

是也註因展幣時賓西面介北面謂此介亦北面

誤

擯者入告出辭玉

註以擯者爲上擯則前出請事者亦唯上擯而已
承紹不行者辟天子禮也

擯者退中庭

此中庭與公所立處异中庭南北節也下云負東
塾則東西節

賓三退負序

三退卽司儀三辟退與辟文雖殊而義實同註分

辟與退爲二而別生意義賈疏不得其說因以
辟三退爲諸公之臣侯伯之臣之別誤矣

賓降介逆出賓出

先介逆出而後言賓出則是賓後出矣出亦俟于

門外

庭實皮則攝之毛在內內攝之入設也

註云參分庭一在南南北節也敖云設于西方東

西節也

公側授宰幣皮如入右首而東

皮右首之說蔡氏得之矣註變于生之說固迂敖
改右爲左亦不足信

若有言則以束帛如享禮

因聘有言不用圭璧不敢褻也不用庭實禮簡也
此禮如春秋叔孫豹如晉聘且言齊故及敖氏所
引西乞術言將伐晉之類皆是註引告糴乞師言
汶陽之田三事皆非因聘而有言者

宰夫內拂几三奉兩端以進

宰夫內拂几則塵及于已而不得坳尊者公外拂

几則其塵外揚而不得汙朝服皆敬之至也公旣拂振袂而宰夫不振袂者意與內拂外拂同

公壹拜送賓以几辟

凡再拜者答亦再拜壹拜者答亦壹拜上公送几祇壹拜而賓必再拜且稽首者主國以賓禮禮之而賓必全乎爲臣之義不敢因爲賓而遂生倨傲之心也

公用束帛

註因冠禮云主人酬賓束帛儷皮彼士禮言酬故

謂此言用尊于下觀上文賓用束帛以饋勞者勞者卿也卿與賓同爵亦言用幣安見此必尊于下而曰用乎

降拜

降拜爲特拜而降也旣降公辭之卽升再拜稽首未拜于階下故下不曰成拜

賓奉幣入門左介皆入門左西上

此與始覲時不同者始覲時牽馬者二人而賓總束之此則牽馬者四人而賓不必總束也始覲時

賓奉幣入門右而介又不從此則奉幣入門左而介又皆入也蓋始覲用臣禮故主乎爲臣後入用客禮則主乎爲賓也

公揖讓如初升公北面再拜

公再拜者蓋答鄉時奠幣之拜也鄉賓奠幣時不敢以臣禮待之故不答拜然終無拜而不答之禮故于其始入也卽先再拜之此與他時拜至之意不同

賓三退反還負序

執玉時賓雖三退以辟公之拜然猶東面鄉公此則退轉西面又轉而東面益不敢當其禮也

振幣進授當東楹北面

振幣亦謂以袂內鄉拂其塵而授君也始覲時奠而不授故不振

賓降階東拜送君辭

降階不至階下敖氏謂別于已君是也然賓拜雖不于階下而必降階者則以已于主國有外臣之義不敢以賓禮自居

公少退

公少退不敢當其拜亦降于本國之君也

擯者出請上介奉束錦士介四人皆奉玉錦束請覲
于士介言玉錦束明賓與上介所奉之錦皆玉錦
也否則士卑于賓與上介而所奉轉美乎

擯者入告出許上介奉幣儷皮二人贊

庭實用皮用馬惟其所有經于賓言馬於上介言
皮互文也上介若用馬則亦二馬與

擯者執上幣士執衆幣有司二人舉皮從其幣出請

受

據敖說則出請受特因出而申言之其實並未請受也註謂擯者先卽西南位請之此已請矣何下文又云請受乎

介禮辭聽命皆進訝受其幣

擯者雖專請于上介而衆介皆與聞之則禮辭聽命士介與上介同敖氏謂聽請受之命者上介則經何統言介而不別言上介乎且受幣五人皆同則辭聽又何異哉

介振幣自皮西進北面授幣退復位再拜稽首送幣
介上介也不言上介者上已云上介奉幣則此爲
上介可知也

士三人東上坐取幣立

取幣立者候宰夫受上幣于擯者而從之以東也
宰夫受幣于中庭以東

前云擯者執上幣以出上文又云擯者進賈疏謂
進公左授幣與宰夫則此宰夫爲受幣于擯者無
疑矣註謂受于士士所執者乃衆幣宰夫受士所

傳禮書卷三
執之衆幣而不受擯者之上幣有是理乎

及大門內公問君賓對公再拜公問大夫賓對

賓對亦當再拜不言者文不具公再拜者答賓之拜也

賓請有事于大夫公禮辭許

不曰問而曰請有事者賓之謙辭也註謂嫌近君何以下又云賓問卿問大夫乎

勞上介亦如之

卿大夫勞賓介未必皆在聘日亦未必皆在一日

蓋因賓卽館而終言之耳

君使卿韋弁歸饗餼五牢

註云牲殺曰饗生曰餼特疏饗餼二字之義耳此經所云歸饗餼五牢下經所列飪一牢腥二牢餼二牢是也謂之歸饗餼猶云歸饗之餼耳記曰聘日致饗又曰賜饗則是禮名饗明矣蓋饗朝食也對殽爲夕食朝食盛于夕食故饗盛于殽也所陳不止于餼而謂之餼者餼蓋生牢之通稱論語告朔之餼羊鄭註生牲曰餼是生可謂之餼左傳鄭

皇武子云餽牽竭矣服氏註腥曰餽是腥亦可謂之餽下經餽二年專指生牲而言此則統生與腥而言也

上介請事賓朝服禮辭

賓聘時皮弁服退息于館則富舍皮弁服而朝服不著之者以無事可見也是時賓不易服禮辭以卿未入也言此者嫌卿未入卽易服也註謂朝服示不受禮辭卽不受可知何必朝服以示之乎且此時賓未與卿相接豈朝服以示上介耶卿之

有司傳命于上介上介出請事入告賓禮辭又出告有司有司固請上介又入告賓許上介又出告有司乃入陳也

饗

饗曰下五牢也五牢總以饗名之若對餼而言則何必別飪與腥乎

西夾六豆設于西墉下北上韭菹其東醯醢屈六簋繼之黍其東稷錯四釧繼之牛以南羊羊東豕豕以北牛兩簋繼之梁在西皆二以並南陳六壺西上二

以並東陳

六豆無茆菹麋鸕先設韭菹其東醯醢南昌本昌
本西麋鸕麋鸕南菁菹菁菹東鹿鸕也

揖入及廟門賓揖入

揖入亦有每曲揖之節經不言者文省

至于階讓大夫先升一等

據司儀職文則敖氏從古本作三讓其說殊爲有
據凡主人與客讓登皆主人讓客客辭然後主人
先升客從之此則大夫讓賓賓辭然後大夫先升

賓從之大夫三讓則賓三辭三辭而大夫卽升賓
不再讓矣註謂使者三讓主人四讓殊不足信
大夫東面致命賓降階西再拜稽首拜餼亦如之
大夫先致飪一牢腥二牢賓旣拜受然後致餼二
牢賓拜受之禮與前同故云拜餼亦如之五牢必
分二次致之者以有死牢生牢之別也

明日賓拜于朝拜饗與餼皆再拜稽首

拜饗賓自拜也拜餼代士介拜也上介亦不拜者
統于賓也

上介饗餼三牢

記云卿館于大夫大夫館于士上介大夫也宜館于士卿館于大夫之禰廟大夫亦館于士之廟與餼一牢門外米禾視死牢牢十車薪芻倍禾凡其實與陳如上賓

賓禮門外米三十車禾三十車與此經所言米禾視死牢牢十車皆互文見義也賓死牢三牢故米禾皆三十車介死牢二牢故米禾皆二十車士介四人皆餼大牢米百筥設于門外

歸聘者之禮有三饗也殯也餼也饗最盛殯次之
餼又次之殯用死牢餼用生牢而饗則兼用死牢
生牢上賓上介先致殯後致饗士介有殯有餼而
無饗降于賓上介也先儒以饗餼平列謂饗祇用
死牢與殯復何別乎

擯者出請事大夫朝服迎于外門外再拜賓不答拜
揖大夫先入每門每曲揖及廟門大夫揖入

大夫與賓同入但大夫先入賓從之耳賓既入卽
有每門每曲揖之事安得復省內事乎註以入爲

省內事未確

介降拜大夫降辭介升再拜送幣

介降拜卑不敢拜于上也大夫降辭不敢當其降也于是介遂不拜而自西階上再拜亦大夫先升一等介從之

大夫答再拜擯者執上幣立于門中以相拜士介皆辟老受擯者幣于中庭士三人坐取羣幣以從之

賓既辭擯者入告于大夫大夫于是遙答拜于庭庭士介不復入矣蓋入而以客禮見則嫌同于主

介入而仍以卑者之禮見則又嫌同于君禮此所以不再入與

夕夫人使下大夫韋弁歸禮

歸禮服韋弁尊賓也非尊主國也故夫人可與君同夫人有歸禮因賓有聘禮享禮也

堂上籩豆六設于戶東西上二以並東陳

君歸賓堂上惟有八豆而無籩此六豆六籩者君有簋簋鉶而又有戶西西夾東夾之饌夫人無牢因無此數者故堂上設六豆減于君也加以六籩

亦厚待賓之意也 君歸賓堂上八豆敖氏以爲
朝事之豆是也此六豆若亦爲朝事之豆則當云
韭菹其南醢醢屈不言者或不用朝事之豆而專
用脯醢如註所云乎

大夫以束帛致之賓如受饗之禮儉之乘馬束錦
觀此及下記云聘曰致饗則歸饗餼之禮名饗益
明矣

衆介皆少牢米六筐皆士牽羊以致之

下記云凡餼大夫黍梁稷筐五斛云凡則凡賓及

上介士介皆然敖氏謂米六筐黍梁稷各二筐據此文也註謂米六筐又無梁似未確

大夫於賓壹饗壹食上介若食若饗

若者不定之辭上介不能饗食俱備故或饗或食隨大夫之意也衆介則饗食皆不及矣

若不親饗則公作大夫致之以酬幣致食以侑幣

大夫致餼使老餼禮輕不敢告公作大夫也致饗致食禮重故告公作大夫必告公作之者亦以聞之于公也

賓皮弁襲迎于外門外不拜帥大夫以入

迎不拜入不揖禮有終也敖氏謂禮不主于已故
不拜卿奉玉以出聘執玉以復命則還王安得謂
不主于已乎

大夫出賓送不拜

賓送不拜亦禮有終也

賓辟

賓辟不專爲拜送而辟也聘享大夫之聘享問大
夫三者之拜雖將君命之辱賓亦不敢受之

公退賓從請命于朝

此經言請命周官言拜辱蓋互文也賓從公至朝再拜稽首拜辱然後請命請命者恐主君有命傳于本國之君也

公辭賓退

公辭者辭其親請命也亦擯者出請入告公辭擯者出告賓乃退也

使下大夫贈上介亦如之使士贈衆介如其覲幣于衆介不言亦如之則贈衆介之禮或有不盡如

賓者矣

士送至于竟

賓入士引之入賓出土送之出恐賓未識道路且備不虞也

使者歸及郊請反命

必請反命者以反命當有反幣告賜諸事君必親受之請之者請其期也恐君或有故不得親受故預請之註說未安

朝服載旌

君告以期使者反命及期乃朝服載旌入也

乃入陳幣于朝西上上賓之公幣私幣皆陳上介公幣陳他介皆否

公幣謂因公事而賜以幣者私幣謂因私事而賜以幣者賓之公幣則主君醴賓幣也致饗餼幣也食侑幣也饗酬幣也夫人歸禮幣也大夫食侑幣也饗酬幣也賓之私幣則主君郊勞幣也郊贈幣也大夫亦有郊贈幣也上介公幣則主君致饗餼幣也食侑幣也饗酬幣也大夫若饗若食亦當有

幣也上介私幣則主君郊贈幣及大夫郊贈幣也
註說以君臣分公私未確

受上介璋致命亦如之

經云亦如之則當言某君受幣于某宮矣凡致辭
禮輕者則畧禮重者則詳此受幣于某宮雖可知
但聘禮重宜亦詳之

君勞之再拜稽首君答拜勞士介亦如之

君答拜不言再拜則只一拜矣唯答一拜者下賓
也

君使宰賜使者幣使者再拜稽首

君既命宰宰還西面取上幣又還南面授使者也
賜介介皆再拜稽首

宰既賜使者幣反命于公公又命之賜介介幣不
陳于朝則宰不執以命之矣不執以命之降于賓
也

乃至于禴筵几于室薦脯醢

設筵几者主人有司也疏以爲司宮大夫未必有
司宮之官蓋因燕禮而誤

獻從者

獻從者之禮宜與鄉飲酒獻衆賓之禮同但無堂上三人之席耳

不筵几

經只言不筵几並未言不於廟則敖氏謂亦受于廟得之矣註謂就尸柩于殯宮殯宮似非接賓之所

遭喪將命于大夫主人長衣練冠以受

經云遭喪不別主君之喪與夫人世子之喪則統

而言之可見敖氏謂專指主君之喪存疑

受禮不受饗食

主國歸賓之禮有三饗最盛殯次之餼次之饗餼受則殯亦受可知

赴者至則衰而出

聘君薨赴者必約計使者之行期若未入竟而赴者可至則赴者卽往令卽時奔喪也若已在使者入竟之後則必使正禮始行而後至所以便其行事也

若有私喪則哭于館衰而居不饗食

不饗食則雖歸之亦不受矣唯言不饗食則其餘所行之禮皆如吉時矣蓋饗食之禮乃主君所以厚行使者之禮與他禮賓之禮微異故可辭之

介受賓禮無辭也

賓禮主國所以厚禮賓者介代賓行事故主國禮賓之禮皆受之而不辭

不饗食

不饗食謂不致賓饗食之禮也唯言不饗食則殯

饗餼之禮皆如故矣

士介死爲之棺歛之

士介卑于賓則其禮自當視賓稍畧註謂不具他衣物是也敖氏謂具與棺文互見殊不知云具則兼棺可知云棺則殯歛諸事或不必具也註只言大夫介士介不別上介與衆介嫌小聘時士爲上介亦與大夫介禮同也

其禮如爲介三介

三介則上介一人衆介二人上介若上士衆介則

中士或下士也賓禮如大聘之上介則上介及衆介皆如大聘之士介衆介不降于上介者禮窮則同也

主人使人與客讀諸門外

不於門讀之者欲使衆共聞其事也若然則賈疏以爲所報告請多是密事誤矣

明日君館之

明日館賓註以爲書問尚疾則無書問者或可不于還玉之明日卽館賓矣敖氏謂無此禮者館賓

亦在還玉之明日蓋揣度之辭耳

所以朝天子圭與纁皆九寸剡上寸半厚半寸博三寸纁三采六等朱白蒼

下云皆元纁蓋指纁而言也註謂纁以韋衣木板未詳何據

皆元纁繫長尺絢組

皆皆朝與問之纁也纁以藉玉自當以帛爲之元纁蓋纁之色也繫則以絢組爲之不必又言元纁矣

卿大夫訝大夫士訝士皆有訝

經祇言卿大夫而不別使介則小聘大夫爲使亦使士訝之上士爲上介亦使中士訝之不得以其爲使上介而優之也

賓卽館訝將公命

此禮蓋于行聘之日爲之經云厥明訝賓于館是也

賓既將公事復見之以其贄

士相見禮所云士見於大夫終辭其贄據本國士

見大夫之儀也若異國士見大夫之禮固不得同
觀君於士不答拜而於異國之士則答拜之君且
執謙况大夫乎

宗人授次次以帷少退于君之次

投謂授賓上介士介也

賓入門皇升堂讓將授志趨

敖氏謂讓爲後主君解讓字之義較註爲長但上
云皇下云志趨皆主威儀而言則註說似不可違
讓蓋謂執玉之處不過于讓也論語上如揖下

如授正與此合

授如爭承下如送君還而後退

授如爭承言其授玉之容也下如送言其授時執玉之容也

執圭入門鞠躬焉如恐失之

上言入門皇此言鞠躬皇與鞠躬敬同而儀不同故註謂異說

及享發氣焉盈容

言盈容比初下階時又和矣

多貨則傷于德

貨賄對文則金玉曰貨布帛曰賄散文則通此云
貨蓋指幣帛等物而言也左傳云諸侯之幣重又
云自是魯輕其幣而賄重皆以幣爲重輕不聞以
玉之多寡爲重輕蓋玉特執以爲信事畢且當還
之而其多寡則有定制豈得漫爲增損乎註未妥
幣美則沒禮

此云幣亦不專指束帛也周官小行人合六幣玉
馬皮圭璧帛皆是

賄在聘于賄

在視也察也謂本國賄賓之禮視聘國之幣而爲之制也少則非敬賓之禮多則傷于德矣

凡執玉無藉者襲

先儒以纁爲藉謂垂纁爲有藉屈纁爲無藉非也垂纁謂纁垂下以爲儀屈纁特不垂耳非竟無也從陸敖之說爲當

禮不拜至

不拜至註謂客不于是始至若然士昏禮公食大

夫禮何以又拜至乎敖說差長

醴尊于東箱瓦大一有豐

尊于東箱者君禮是也

使大夫受

云大夫不云上卿者容小聘則使下大夫受也

幣之所及皆勞不釋服

服謂皮弁服聘禮行事兩國大夫皆服皮弁服云
不釋服者嫌釋皮弁服而服他服也

賜饗唯羹飪筮一尸若昭若穆

若昭若穆祭祖祭禰不定也敖氏謂並祭祖禰而
唯一尸若然則何必言若昭若穆乎且何以處父
在者乎 賜饗必祭卽孔子君賜腥熟而薦之之
意不忘先人也賈氏求福之說踈矣

僕爲祝祝曰孝孫某孝子某薦嘉禮于皇祖某甫皇
考某子

左傳曰夫子之家事治其祝史陳信于鬼神無媿
辭又曰君行師從卿行旅從祝無事焉則大夫有
祝特不從行耳僕爲祝攝祝事也註謂大夫之臣

攝官未確 並言孝孫某孝子某者見祭祖則稱
孝孫祭禰則稱孝子聽人所用也若並祭祖禰則
不應兩稱其名矣 祖曰某甫考曰某子亦互文
也祖爲大夫則亦當稱謚父爲士則亦祇能稱字
矣

假器于大夫

假器于大夫謂賓假于上大夫上介假于下大夫
也三等諸侯國之卿大夫命數雖異而爵秩旣同
則禮與器亦同也

凡獻執一雙委其餘于面

執一雙以將命亦謂獻賓及上介者也士介拜受于門外未必有此禮

各以其爵朝服

各以其爵朝服謂請觀服朝服不服皮弁服也朝服云各以其爵者賓卿也上介下大夫也皆元冠朝服朱綠帶素鞵上介士也則元冠朝服緇帶素鞵訝亦然

大夫不敢辭君初爲之辭矣

此節之首當有問大夫三字註謂此句宜在明日問大夫之下上記明日問大夫之文于聘日致饗之下夕夫人歸禮之上特記行禮之節耳若補此二句于明日問大夫下未免文不相屬敖氏謂此上有闕文得之矣

凡餼大夫黍粱稷筐五斛

經云凡則凡賓及上介士介皆然敖氏謂大夫餼賓上介米八筐士介米六筐皆用黍粱稷是也鄭註大夫餼賓節云上介六筐又無粱顯與經悖矣

燕則上介爲賓賓爲苟敬

賓爲苟敬之義燕禮記註得之燕不以賓爲賓而以介爲賓所以優賓也非因賓之辭爲賓而聽之也且饗食諸大禮賓皆不辭爲賓何獨于燕辭之乎

賓于館堂楹間釋四皮束帛賓不致主人不拜

上介將行于所館之大夫亦當有以禮之其用儷

皮束帛與

大夫來使無罪饗之

罪卽下文所云過謂失誤也行聘之大夫或言辭
下遜或禮儀有愆皆失誤之罪無罪然後饗之所
以嘉有德也

過則餽之

過卽上文所云罪也或云罪或云過互文以見義
耳註謂不言罪者罪將執之晉執魯行人見譏春
秋焉有是事乎

其介爲介

經云大夫來使而不別卿與大夫則小聘使大夫

饗禮亦與大聘同蓋大夫與介饗不用介降于賓也若爲賓自當以賓禮禮之卿飲酒飲賓且有介况饗聘臣乎敖氏謂小聘使下大夫其饗禮與大聘之上介同殊未可信

有大客後至則先客不饗食致之

若然有小客後至仍行饗食之禮然後與小客行聘禮也此亦先尊後卑之意

儀禮蠡測卷第九

蕪湖韋協夢著

公食大夫禮第九

使大夫戒各以其爵

戒謂戒之于館也戒亦朝服

賓出拜辱大夫不答拜將命賓再拜稽首

此一拜也兼拜至拜辱二義拜辱固所以拜君命之辱拜使者之辱亦在其中特拜使者爲餘義
賓朝服卽位于大門外如聘

賓與大夫行禮皆服朝服大夫退而賓卽從之并無易服之節則其先已朝服可知必著之者嫌聘時皮弁服食禮盛或亦與聘同也註謂初時元端未確

宰東夾北西面南上

註因經文有南上二字疑宰爲宰夫之屬非也天子宰夫下大夫二人諸侯降等宜用上士其屬則中下士也旣爲士何以不立于士之列而爲一列乎且內官之士非宰夫之屬所屬何以又列于其

東北乎敖氏從古文去南上二字以宰爲大宰大
宰統御內外尊于衆卿自爲一列宜也內官之士
爲內宰之屬則亦屬于大宰矣立于其東北亦宜
也 南上二字蓋因下文亦有西面南上字而誤
衍耳

介門西北面西上

承擯已下之位敖云士東註云士西說各不同按
上文云士立于門東北面西上承擯是大夫尊于
士宜在士之上若立于士東則反在士下矣今宜

從註疏

命之成拜階上北面再拜稽首

拜于下臣禮也拜于上賓禮也賓既盡臣禮故從公命而升不敢復拜必命之拜者不敢當其臣禮而以賓禮禮之也

大夫長盥洗東南西面北上序進盥退者與進者交于前卒盥序進南面匕

退者與進者交于前唯卒盥者無此節耳卒盥者既退然後序進也

腸胃膚皆橫諸俎垂之

橫俎之說敖氏得之註䟽乃謂順其在牲之性未免過迂矣

贊者負東房南面告具于公公再拜揖食

負東房註謂負房戶敖氏謂負其牖敖說較長公再拜註謂拜賓饌具敖氏謂賓欲食禮之從註爲優

賓降拜公辭賓升再拜稽首

降拜爲降而拜其實未拜也公辭不降一等賓甫

降卽辭之不俟其至階下也賓升卽再拜稽首不俟公命者降未拜故升卽拜也

三牲之肺不離贊者辯取之壹以投賓賓興受坐祭壹以投賓謂壹壹以投賓也必壹壹授之者三牲之肺不可并也註說固未安敖說亦未確

祭飲酒于上豆之間魚腊醬醢不祭

酒不舉亦祭之者君旣設之則賓不敢不祭也飲卑于酒而序列每在酒先者飲以漱口賓之所用酒直空設之而已凡設物皆當用者在前不用者

在後觀元酒爲祭祀之尚而設于方壺之後是亦一徵也

宰夫膳稻于梁西

進膳而曰膳猶進羞而曰羞也敖氏改膳爲設殊不必

先者反之

經云先者卽下先者一人也先者一人先執膳豆升設繼又受餘豆于階下之膳豆者以次而設所謂先者反之也

由門入升自西階

升自西階者明爲賓設之也凡賓物升降自西階主物升降皆自阼階觀燕禮徹公俎者由阼階降徹賓俎者由西階降是其明徵矣

衆人騰羞者盡階不升堂授以篚降出

據敖說則經云騰羞其義甚明註何必

乎

贊升賁賓坐席末取梁卽稻祭于醬清也

不祭于豆而祭于醬清問者故也

說得之註謂祭加宜于加醬滫乃正饌時所設豈得謂之加乎

贊者北面坐辯取庶羞之大興一以授賓賓受兼壹祭之

祭不言其所敖氏謂亦於醬滫間是也註謂祭之於酈臚之間似無所據

公辭賓西面坐奠于階西東面對西面坐取之栗階升北面反奠于其所

凡舉器以對命者不獨此時然也註以奠而後對

爲成其降食階下之意未確其所謂鄉所設之所
庭實設賓坐祭遂飲食于豐上

有司設庭實以宰夫設豐之時爲節非謂賓必俟
庭實設而後坐祭也

公受宰夫束帛以侑西鄉立賓降筵北面

賓食時公退于東箱宰夫卽奉束帛從于東箱賓
旣飲公出自東箱卽受宰夫束帛註因聘禮公受
几于序端謂受束帛亦于序端似不若敖說之密
介逆出賓北面揖執庭實以出公降立上介受賓幣

從者訝受皮

聘禮醴賓從者訝受馬註以從者爲士介則此從者亦士介也疏謂子男小聘大夫士介一人大夫小聘亦士介三人聘義已明言之士介三人則一人爲上介二人爲衆介與大聘同矣

賓入門左沒霤北面再拜稽首

註意以此拜爲辭公非也送幣公再拜賓不敢當卽趨出授上介幣并未答拜則此拜爲答公送幣之拜卽爲謝公侑幣之賜也敖說美矣

東面再拜稽首

賓不北面而東面者君從賓降在阼階下西面故
賓鄉而拜之

有司卷三牲之俎歸于賓館

鄉飲鄉射燕禮大射賓皆執脯以出而俎于未燕
時已徹之特牲士虞有所俎者盛之所俎無則盛
之於篚此旣無所俎之可盛而歸賓又不可徒手
執之故註謂與士虞同盛于篚敖氏乃以卷爲盡
以俎與其實歸之公俎豈可以歸賓乎

上大夫八豆八簋六鉶九俎魚腊皆二俎

八豆註謂加葵菹蠃醢蓋因特牲少牢兼用朝事饋食之豆此食賓之豆亦當同之殊不知食賓若朝事饋食兼用則八豆六豆皆然何以六豆祇用朝事乎六豆祇用朝事則八豆亦同食賓之六豆八豆俱用朝事則前歸饗餼之六豆八豆亦同矣若不親食使大夫各以其爵朝服以侑幣致之此食下大夫也則致禮亦當使下大夫云各以其爵者容大聘上大夫則使卿也

豆實實于壺陳于楹外二以並北陳簋實實于筐陳于楹內兩楹間二以並南陳

醢芥醬皆庶羞自當陳于庶羞之列敖氏謂庶羞有魚膾與芥醬是也註謂醢芥醬從于豆實未確楹內南北節也兩楹間東西節也

牛羊豕陳于門內西方東上

食賓牛羊豕皆烹熟盛于俎欲賓食之也致禮物數既多故生以歸之亦便于賓也

明日賓朝服以拜賜于朝訝聽命

此拜蓋專拜食也故曰拜賜而不曰拜食與侑幣
拜亦再拜稽首

受醬涪侑幣束錦也皆自阼階降堂受授者升一等
賓止也

侑用束錦降于君也